


Plumalhon

MAINATGES

D'ÒC



ISSN 1264-6733 35 F (5,34 €)

Dessenh jaap de Boer

N° 55

seteme de 2001



Lo monardet verdòt



Reportatge



Lapérouse

Lo monardet verdòt



Que disen que l'agrada de's divertir. Qu'a los peus gris-verd. Non hè pas mei de 70 cm . Que viu en Africa en las seuvas claras e las savanas. Los monardets que s'amassan en escabòts d'un vintenat d'individús. La tropa que demora tostemps au ras d'un arbre gran qui serveish de refugi e on tots s'aporan autanlèu com senteishen lo dangèr.

Jogar, minjar e espedolhar-se

Lo monardet verdòt que passa lo dia a jogar, a cercar de que minjar e a tirar-se los pedolhs. Que l'agradan las frutas mes s'ei necessari que harà dab auta causa. Que cracarà quauque gatamina, insèctes , huelas, flors e perquè pas quauques auseron qu'anarà gahar au nid.

Espedolhar-se qu'ei un tribalh collectiu. Que'm tiras los pedolhs e jo que't tiri los tons !

La mair qu'a un petit après un periòde de gestation de sheis mes. Lo petit que's gaha a la perissa deu piet de la mair e que s'i arrapa quitament quan era se desplaça ; atau dinc au dusau mes. Après que'n va a cavalhons sus l'esquia. Que popa la mair sheis mes de temps e non la dèisha pas jamei. Quan i a quauque dangèr qu'arriba que mantuns monards atormèrin la mair e lo son petit entà protegir-los.



Lo monardet verdòt qu'ei ua espècia qui's pòrta plan en Africa. Las poblacions que son nombrosas e non sembla pas que sian miaçadas.